



## SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06), a u skladu sa članom 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2007. GODINU UJEDINJENA HRVATSKA STRANKA PRAVA BIH

Broj: 03-07-6-608 /08  
Sarajevo, 16.02.2009. godine

## SADRŽAJ

MIŠLJENJE REVIZORA .....	3
1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	4
Predmet pregleda i kontrole.....	4
Cilj pregleda i kontrole .....	4
Obim pregleda i kontrole .....	5
4. PRETHODNE KONTROLE I REVIZIJE.....	5
5. NALAZI .....	5

## **MIŠLJENJE REVIZORA**

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled godišnjeg finansijskog izvještaja Ujedinjene HSP-a BiH za 2007. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Na osnovu našeg pregleda, odnosno kontrole finansijskog izvještaja, nismo zapazili ništa značajno što bi ukazalo na druge nedostatke u izvještaju ili finansiranju ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled godišnjeg finansijskog izvještaja Ujedinjene HSP-a BiH za 2007. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Ujedinjena HSP-a BiH je iskazala prihode u iznosu od 5.202,60 KM, čija struktura je data u sljedećoj tabeli:

<b>Red. br.</b>	<b>Vrsta prihoda</b>	<b>Iznos u KM</b>	<b>Učešće u Uk.prih. %</b>
1	Članarina	0,00	0,00%
2	Prilozi fizičkih lica	0,00	0,00%
3	Prilozi pravnih lica	0,00	0,00%
4	Prihodi od imovine	0,00	0,00%
5	Prihodi od pr.lica	0,00	0,00%
6	Prihodi od poklona	0,00	0,00%
7	Prihodi iz budžeta	5.202,60	100,00%
	<b>Ukupni prihodi:</b>	<b>5.202,60</b>	<b>100,00%</b>

U godišnjem finansijskom izvještaju Ujedinjena HSP-a BiH je iskazala ukupne rashode u iznosu 4.794,00 KM.

## 2. PREDSTAVLJANJE POLITIČKE STRANKE

Naziv političke stranke: Ujedinjena Hrvatska stranka prava BiH. Skraćeni naziv stranke je UHSP-a BiH.

Politička stranka je registrovana 20.05.1999. godine u Kantonalnom sudu u Mostaru, broj upisa R:1/99

Sjedište političke stranke je u Mostaru, Splitska 29.

Lica ovlaštena za zastupanje stranke: Miljenko Miloš, predsjednik.

Lice ovlašteno za podnošenje finansijskih izvještaja za 2007. godinu je Miljenko Miloš.

Ujedinjena HSP BiH nema nižih organizacionih dijelova.

## 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole je** godišnji finansijski izvještaj Ujedinjene HSP-a BiH za 2007. godinu.

**Cilj pregleda i kontrole je** da revizor na bazi finansijskog izvještaja pokuša da ustanovi da li je Ujedinjena HSP-a BiH u izvještajnom periodu postupala u skladu sa odredbama Zakona o

finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskih izvještaja Ujedinjene HSP-a BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta.

#### **4. PRETHODNE KONTROLE I REVIZIJE**

Izvršen je pregled godišnjeg finansijskog izvještaja Ujedinjene HSP-a BiH za 2005. godinu i izdat izvještaj o pregledu sa mišljenjem u kome je navedeno da je stranka postupala u skladu sa Zakonom o finansiranju političkih stranaka.

Služba za reviziju je obavila pregled godišnjeg finansijskog izvještaja Ujedinjene HSP-a BiH za 2006. godinu i izdala izvještaj o pregledu sa mišljenjem, nalazima i preporukama u kome je navedeno da stranka nije postupala u skladu sa odredbom člana 11. stav (3) Zakona o finansiranju političkih stranaka.

#### **Realizovane preporuke:**

Ujedinjena HSP-a BiH je ispoštovala preporuke revizije date u izvještajima o pregledu.

#### **5. NALAZI**

Ujedinjena HSP-a BiH je dostavila finansijski izvještaj u skladu sa članom 11. stav (3) Zakona o finansiranju političkih partija i obrascima propisanim Pravilnikom o godišnjim finansijskim izvještajima.

#### **Komentar**

Ujedinjena HSP-a BiH se nije očitovala na nalaze revizije i mišljenje revizora dato u preliminarnom izvještaju o pregledu godišnjeg finansijskog izvještaja za 2007. godinu koji joj je dostavljen 27.01.2009. godine.

Mr.Hasida Gušić, šef Službe za reviziju

Nevenko Andan, revizor

Anela Burdžović- Kapić, pomoćnik revizora